

為刑曹判書

特命也

○夜乾方巽方如火氣

乙巳慶尚道義城軍威安東兩電損傷平麥平安道寧邊兩電大如鳥卵

丙午夜月暈流星入貫索星入北斗星狀如鉞尾長三四尺許色白霜降

丁未傳于政院曰觀此慶尚監司

李戡啓本

略曰對馬島主宗成

船數十艘江海中流以候順風揚言欲赴大明若早為之備云云

仍知對馬島主通書報變狡詐之言雖難盡信然前日或有其驗而今方風和賊變可慮之時又有如此報變之事所當詳慮

預為措置來初八日三公

李尚

震安珪

領府事

尹元衡

兵曹備邊司

同議以啟

戊申日暈夜月暈○平安道義州大雷雨男一八馬一震死

己酉上幸大廟行裸獻禮○三公令舍人啓曰今者倭寇

有聲息不為預措則臨時無以應變而京畿黃海清洪道防備

虛疎請分遣備邊司郎廳于此三道列鎮防備及兵船一巡